

13. O MIA BELLA MADUNINA

A disen la cansun la nass a Napuli
e certament g'han minga tutti i tort.
Surriento, Mergellina, tutt'i popoli
i avran cantà almen un miliun de volt.
Mi sperì che se offendera nissun
se parlom un cicin anca de num.

O mia bela Madunina
che te brilet de luntan,
tuta dora e piscinina
ti te dominet Milan.
Sota ti se viv la vita,
se sta mai cuj man in man.
Canten tüti "Lontan de Napoli se moeur"
ma po vegnen chi a Milan.

Ades ghè la cansun de Roma magica,
de Nina, er Cupolone e Rugantin,
se sbaten in del Tever, roba tragica,
esageren, me par, un cicinin.
Sperem che vegna minga la mania
de metes a cantà "Melano mia"

O mia bela Madunina
che te brilet de luntan,

tuta dora e piscinina

ti te dominet Milan.

Si, vegnii senza paura,

num ve slungaremm la man.

Tut el mund a l'è paes, a semm d'accord,

ma Milan l'è un gran Milan!